

Stofnanasamningur Raunvísindastofnunar Háskólans og Félags íslenskra náttúrufræðinga (FÍN) skv. 11. kafla kjarasamnings FÍN og fjármálaráðherra, dags. 18. mars 2005

1. Gildissvið

Stofnanasamningur þessi nær til þeirra félagsmanna í Félagi íslenskra náttúrufræðinga sem starfa og njóta ráðningarkjara skv. fyrrgreindum kjarasamningi hjá Raunvísindastofnun Háskólans, svo og þeirra sem eru í leyfi, launuðu eða launalausu, barnsburðar- eða veikindaleyfi. Stofnanasamningurinn er hluti kjarasamnings félagsins og fjármálaráðherra, dags. 18. mars 2005, sbr. 11. gr. hans.

2. Grunnröðun

2.1 Almennar forsendur röðunar

Störfum skal raðað í launaflokka í samræmi við eðli starfs og starfslýsingu:

Raða skal í launaflokka í samræmi við ábyrgð og umfang verkefna skv. hlutlægum mælikvörðum ef unnt er. Röðunin skal einkum byggjast á: Starfsskipulagi, umfangi, álagi, sjálfstæði verkefna, faglegrí og fjárhagslegrí ábyrgð. Við röðun er einnig tekið mið af fag-, manna- og/eða fjárrorráðum, hvort starfsmaður er staðgengill yfirmanns, ráðgjöf innan eða utan stofnunar og samstarfi við erlenda aðila.

Við grunnröðun starfa í samræmi við ákvæði samnings þessa skal miða við að um sé að ræða viðvarandi/stöðugt verksvið. Því til viðbótar koma persónubundnir þættir sem ráðast af þeim einstaklingum sem gegna starfinu hverju sinni.

Ákvörðun, sem tekin er um hvaða þættir hafi áhrif á laun og með hvaða hætti, skal hafa ígildi vísireglu gagnvart öðrum starfsmönnum svo að tryggt verði að þeir njóti jafnræðis.

2.2. Starfsmat

Aðilar eru sammála um að stefna að því taka upp kerfisbundið starfsmat. Þetta er m.a. gert til þess að koma á kynhlutlausu launakerfi og tryggja að starfsmenn fái laun í samræmi við menntun, sérhæfni, ábyrgð og álag.

2.3. Skilgreining starfsheita

Náttúrufræðingur I: Náttúrufræðingur sem starfar undir beinni stjórn yfirmanna sinna. Hann nýtir kunnáttu sína og menntun við úrlausn þeirra verkþátta, sem honum eru faldir.

Náttúrufræðingur II: Náttúrufræðingur sem starfar að verkefnum er krefjast faglegrar hæfni og sérþekkingar. Hann starfar undir stjórn yfirmanna sinna og vinnur að stórum hluta sjálfstætt að úrlausn verkþátta.

Náttúrufræðingur III: Hann hefur umsjón með og ber ábyrgð á ákveðnum verkefnum eða verkþáttum er krefjast faglegrar hæfni og sérþekkingar.

Náttúrufræðingur IV: Hann hefur umsjón með viðamiklum verkefnum eða mörgum smærri verkefnum og ber faglega og/eða stjórnunarlega ábyrgð á þeim.

Verkefnastjóri I/Fagstjóri: Verkefnastjóri I/ Fagstjóri hefur umsjón með rannsókna- og/eða þjónustuverkefnum eða verkefnaflokkum og ber faglega ábyrgð á þeim. Vinnur að gerð rannsóknaáætlana, söfnun og úrvinnslu gagna og túlkun niðurstaðna, hefur gjarnan samskipti við aðrar stofnanir utan- og/eða innanlands, tekur þátt í faglegri ráðgjöf, þróun og áætlanagerð í samráði við yfirmann.

Verkefnastjóri II/Sviðsstjóri: Verkefnastjóri II/Sviðsstjóri vinnur að verkefnastjórn eða að sjálfstæðum verkefnum, sem m.a. fela í sér gerð rannsóknaáætlana, söfnun og úrvinnslu gagna og túlkun niðurstaðna og/eða skipuleggur verkefnaáætlánir sviðs í samráði við viðkomandi sérfraeðinga og/eða yfirmann. Hann gætir þess að markmiðum stofnunar sé framfylgt og hefur samskipti við aðrar stofnanir utan- og/eða innanlands

Forstöðumaður I: Ber faglega- og rekstrarlega ábyrgð á háskólastofnun og stýrir stefnumótun hennar.

2.4. Starfsreynsla

Starfsreynsla er skilgreind sem samanlögð vinna starfsmanns við sitt fræðasvið óháð vinnustað. Starfsreynsla áunnin við skammtímaráðningu skal einnig teljast að fullu.

2.5. Grunnröðun starfsheita

Starfsheiti	Lágmarkslaunaflokkur
Náttúrufræðingur I	02
Náttúrufræðingur II	03
Náttúrufræðingur III	04
Náttúrufræðingur IV	07
Verkefnisstjóri I / Fagstjóri	11
Verkefnisstjóri II / Sviðsstóri	13
Forstöðumaður	16

3. Menntun

Við grunnröðun skv. ofansögðu bætist 1 launaflokkur vegna B.Sc.-120 ein. eða hliðstæðrar menntunar, 3 launaflokkar vegna meistaraprófs eða hliðstæðrar menntunar, þ.m.t. 2ja ára framhaldsmenntunar (a.m.k. 45 einingar) í doktorsnámi og 6 launaflokkar vegna doktorsprófs eða hliðstæðrar menntunar.

4. Aðrir þættir sem taka skal mið af við röðun einstaklinga í launaflokka

Til viðbótar framangreindri röðun er hægt að hækka starfsmann skv. eftirfarandi:

4.1. Starfsbundnir þættir

1. Starfsskipulag og/eða skipurit stofnunar.
2. Sérhæfing.
3. Álag eða þyngd verkefna.
4. Ábyrgð.

4.2. Persónubundnir þættir

Hækka skal starfsmann um launaflokka vegna eftirfarandi einstaklingsbundinna þátta:

Árangur og færni
Frumkvæði og sjálfstæði
Samstarfshæfní
Reynsla
Aðrir þættir sem skipta máli í viðkomandi starfi

Starfsmenn skulu fá hækkun skv. ofansögðu án formlegs frammistöðumats.

5. Endur- og símenntun

Endur-, sí-, viðhalds- eða viðbótarmenntun í formi námskeiða, sem tengist starfi, verði metin með eftirfarandi hætti. Hér er átt við aðra menntun en um getur í 3. grein: Endur- og símenntun. Starfsmaður getur bætt við sig allt að 2 launaflokkum vegna endurmenntunar.

Náttúrufræðingur, sem lokið hefur framhaldsnámi í formi námskeiða, námsdvalar við stofnanir eða annarrar skipulagðar menntunar á háskólastigi hækkar um 1 launaflokk sé viðbótarnámið metið a.m.k. 10 einingar, en um 2 launaflokkar sé viðbótarnámið metið til 20 eininga.

Mat stofnunar skal hafa ígildi vísireglu gagnvart síðari ákvörðunum, þannig að frammistaða starfsmanna samkvæmt þessum ákvæðum séu metin með hliðstæðum hætti svo að tryggt sé að þeir njóti jafnræðis.

Skilgreining á einingu:

Eining telst nám sem talið er ígildi einnar viku í vinnu, þ.e. í kennslustundum, undirbúningi og skipulegri þjálfun, eða 12 klst. Þegar ekki er um samfelli að ræða. Nám, sem tekur eina viku eða minna, skal þó aldrei metið meira en til einnar einingar. Á sama hátt, skal nám, sem tekur yfir fleiri vikur aldrei metið til fleiri eininga, en nemur fjölda þeirra vikna, sem það tekur. Einungis skulu metin samfelld námskeið, eða námskeiðshlutar, sem teljast 1/2 eining hið minnsta eða 6 klst. samkvæmt framangreindu.

6. Sérstakt tímabundið álag

6.1. Sérstök verkefni

Heimilt er að gera samning við starfsmann um að taka að sér sérstakt verkefni sem felur í sér tímabundið álag. Gera skal viðbótarsamning við starfsmann sem tekur tímabundin verkefni að sér, t.d. ákveðna verkefnastjórnun, formennsku í nefndum, tímabundið aukið stjórnunarálag umfram stjórnunarskyldu, umsjón með nema í formlegu framhaldsnámi. Samningurinn getur falið í sér afslátt tiltekinnar vinnuskyldu eða 1-7 launaflokka hækkun eða samþland þessara leiða til þess að umbuna fyrir álagið. Hægt er að segja upp tímabundnum verkefnasamningi með þriggja mánaða fyrirvara.

Ef tímabundið verkefni hefur varað lengur en í 2 ár skal tímabundinn samningur verða ótímabundinn og þá skal líta svo á að um viðvarandi/-

stöðugt verksvið sé að ræða. Um uppsögn á slíkum ráðningarkjörum gilda ákvæði laga nr. 70/1996 um réttindi og skyldur starfsmanna ríkisins.

6.2. Árangursbundin laun

Heimilt er að veita aukaþóknun vegna lúkningar verkefna/greinaskrifa og getur hún numið allt að tveimur mánaðarlaunum.

Ljúki náttúrufræðingur umfangsmiklu eða sérlega athyglisverðu verkefni á starfssviði sínu, getur stjórn stofnunar eða háskólaráð ákvarðað honum aukaþóknun, er numið getur einum eða tveimur mánaðarlaunum viðkomandi manns.

Greiðslur aukaþóknana fyrir verkefni eru bundnar eftirfarandi:

1. Verkefni eða afmörkuðum þætti þess sé lokið með grein í ritrýndu tímariti eða bókarkafla.
2. Verkefnið sé innan verkefnasviðs viðkomandi deildar eða háskólastofnunar.
3. Með sanni verði ætlað, að ekki hafi verið umbunað að fullu fyrir verkið áður.
4. Stjórn stofnunar mæli með veitingu þóknunar að undangengnu hlutlægu mati þriggja manna, sem tilnefndir verða af viðkomandi aðilum.

7. Réttur til endurmats á starfi og framgangur

7.1. Telji starfsmaður, miðað við fyrirliggjandi forsendur aðlögunarnefndar um röðun, að honum sé ekki rétt raðað, á hann rétt á því að fá röðun sína endurmetna. Ágreiningsmálum skal skotið til samráðsnefndar /samstarfsnefndar sbr. kafla 11.2.1 í nágildandi kjarasamningi.

7.2. Frammistöðumatkerfi verði tekið upp samkvæmt nánari ákvörðun samstarfsnefndar Raunvísindastofnunar Háskólans og FÍN eða í endurskoðun stofnanasamnings.

7.3. Stofnunin skal á grundvelli frammistöðumats færa starfsmenn milli starfaskilgreininga og launaflokka.

7.4. Óski starfsmaður endurmats skal stofnun verða við því a.m.k. árlega.

Aðilar eru sammála um að það hvernig aflað er fjár til að greiða starfsmanni laun hafi ekki áhrif á stöðu hans gagnvart kjarasamningi eða lögum.

9. Ákvæði um endurskoðun

Aðilar eru sammála um að endurskoða ef annar aðili þess óskar, ákvæði þessa stofnanasamnings.

10. Gildistími

Samningur þessi gildir frá 1. maí 2006


Reykjavík, 29. desember 2006

F.h.

Raunvísindastofnunar Háskólans



F.h. Félags ísl. náttúrufræðinga



Bókun 1.

Aðilar eru sammála um að með stofnanasamningi dags. 22. september 2006 hefur styrking/próun launakerfisins skv. grein 3 í miðlægum kjarasamningi Félags íslenskra náttúrufræðinga og fjármálaráðherra f.h. ríkissjóðs frá 18. mars 2005, farið fram.

Bókun 2

Náttúrufræðingur í framhaldsnámi getur verið í hlutastarfi en þó ekki í lægra hlutfalli en 35%. Doktorsnemi sem lokið hefur 2ja ára framhaldsnámi (a.m.k. 45 einingum) skal ekki raðast lægra en Náttúrufræðingu II. Doktorsnemar geta raðast í Náttúrufræðingur II eða III.